

四庫全書

集部

欽定四庫全書

集部  
見素續集卷一至三

詳校官中書臣賈鏊

中書臣劉源溥覆勘

覆校官中書臣汪學金

校對官助教臣蔡鎮

謄錄監生臣雷在瓊

見素續集序

素翁續集十二卷我先師見素林公起廢以後作也蓋是時公已七十矣後二年乃請老又後四年遂以永逝悲夫士有童而習之白首茫如也宦成業墮以文字為土留窮年彌性概無述焉而碩輔元僚所以彌綸翊贊者竭思盡慮其於述作又未暇數數然者非有兼知之資日孳之學而欲文行蔚其相宣功言同於不朽固甚難矣公以直毅忠勤受知四聖自部郎臬使歷御史中丞

大司空寇晉秩宮保而歸中間論妖僧按逆寧平蜀  
寇持詔獄光輔新政天下想望風儀如赤麟青鳳莫能  
為象而其出處大致昭揭日月則人皆仰之也雄文秀  
句流播綺石胡然而嶽峙胡然而川注一時師匠寔推  
先焉文集三十五卷詩集十四卷公令子吏部大夫愧  
吾君達先已錄次刻行是集出最後以別諸前刻乃稱  
續集云集而續之是述作之全也夫以功成之末慮老  
盡之餘年而猶矢筆成編積言累萬有他人沒齒擅門

所不能幾者公所謂獨智兼人好學不勸非與或謂公道危履獨於事主酬世為難所為文語奇而思苦後進或不能以誦法今觀其垂終數疏懽惻忠慕讀之可使人涕其與群公相和答披豁衷素貞而婉情至而可深思獎賢嘉善忘已而欲寘之懷如贈黃余三慰諸篇真休休有容之度謂危與獨也乎哉若乃微言奧義蓄而約於文詞則自艾軒而上遡于檀弓左穀無異趨者公有所誦法而然矣抑平生不負文節道固有同者誦其

詩讀其書不可不論其世然則公是集也於詩書為絕  
筆於世為完局蓋棺事定此尤足以觀矣悲夫嘉靖丙  
申冬十月初吉門人耕原王鳳靈序

欽定四庫全書卷

見素續集卷一

明 林俊 撰

五言古

孔林次吳文定公韻

魯阜宿陰翳孔陵多景光  
乃知泰嶽下中有元氣藏  
不容道何病世代餘衰章  
滄桑互變滅若斧居一方  
玉書護林木樵採誰敢傷  
兒孫麗千億宿壘聯近喪  
譬如天

之樞衆星拱其傍精神感會聚嗣述俱質良磬折禮讓  
素金絲誰家堂我生百代後瞻奉茲始償悲谷日已夕  
執役心逾長麟泣動宿感大雅傷詩亡

手植檜災次吳文定公韻

物理有代謝人事多故新皇王與帝霸在眼今誰存兩  
楹久夢奠手植猶廟門紀年繫衰周歷劫經暴秦九泉  
絕根曲松桂非其羣李趙盛兩見鬱爾蒼雲屯由蘖百  
年內左紐還舊文默運自元化一體氣焉分鬱攸適為



虐此酷能前聞枝葉化灰燼禍比林木均猶餘根與榦  
周視環百巡蘇枯諒斯在脈理關天人剛貞候芽茁怒  
長相嶙峋

桐湖逸墅

壯歲事行役吏牒相拘牽桐湖入殘夢魚鳥三十年九  
峰故寒碧即事徒華顛地高世責望在眼餘憎憐背山  
構蘿屋數畝桑麻田歸來抱黃犢青磴聊夤緣葢眠襪  
襖破覓勝繩鞋穿江天四寒雪獨釣歸湖船歲熟易得

酒人閒真似仙  
細覓種樹訣  
載理逍遙篇

約菴為周都憲子庚題

氣機互流轉  
萬有存一心  
操之失其要  
縱浪翻陸沈  
三省有明訓  
四勿垂規箴  
孔聖固可學  
奚必回與參  
翠積禍先賈  
鱗潛不厭深  
元公故遥裔  
結屋青松林  
芳泉引自潔  
紛華寧見侵  
境偏人事靜  
佔畢疑書淫  
微言探賾  
外遺緒猶未  
尋開境集百  
感鬚雪紛盈  
簪樸質道所  
貴約守良獨  
任金貂付銷  
滅布被留至  
今豐亨鮮常  
在轉

瞬回晴陰

送方思源尹丹陽

物色收來異聲名重不虛初程付淹速大造有乘除輔  
邑征先耗疲民稅幾舒悉心勞撫字平野課耕鋤旱劇  
苗如寄渠成水可居村農儲盡粟公府食無魚型冶還  
陶士冠裳足起余化行馴雉外刃利割鷄餘尤拔鈞衡  
在循良且大書

送柴季常憲副滇南

脈脈客意長灑灑秋候涼川涂物色異去住何迴徨公  
程歷江縣霞氣薰衣裳入門長大慙稚弱含輝光更燭  
夜苦短拂曙星低橫陽烏出海樹來鴈遙雙翔獨驂向  
南紀夷獠曾璚鄉百年絃外禮則馴陸梁觀風足餘  
寄一一堆中腸

送潘憲副方塘用漢韻

三川阻且長巒勢相附屬離堆鑿神秀陸海開平綠庶  
富甲西南時化亦云速逆閭事紛更絃柱傷太促括削

盡肌髓細政等濕束繆起靖黃巾罔火能石玉祇今枯  
骨寒隱抱彌衷曲君行職持憲雅尚無狹促吾儒作用  
間元公有前躅試省舊戰場荒墟幾茅屋

悼陳原習母譚孺人

夕景重苦短風燈良易滅入門慰強健周歲非長別詎  
知心內言於此成永訣西風遞惡報口淚俱殘血依依  
堂背花柔情抱中絕

夙歲在懷抱百心餘寒溫比長提耳言往往資見聞督

過數在口手線茲猶存抱憂不能寐號哭連朝昏巫山  
風雨夕地遠深斷魂

哀陳氏姪婦

姪近婦二十三而寡矢志甚堅詩以哀之

索居重懶出白日為之長發啼慘前拜骨肉能不傷憶  
昔弟姪行大小紛雙翔零落已可念弱草橫秋霜脩保  
諒有數少壯深中腸嗟哉幼婦節百苦甘自嘗織燈照  
孤影淚洒衫與裳素琴蛛絲積斷簡遺篇章結托信地

所業水雙鶯鶯豈知分命薄轉息餘空牀衣新人世隔  
永訖誰徇歿斷炊屢廢食匣櫛慵晨妝蛩聲訴寒月仰  
視天茫茫

懷喬白巖太宰

憶別始再聚竟歲還分離悠悠太行下望望閩海涯南  
北一萬里音耗那得知商飈轉林薄故葉餘空枝索居  
亦云遠貯結良未緩雲晴諒自閒去鴈應時返西窻幾  
叢竹月色共誰晚相思復相思腸盤未能飯

寄題逋吏巢用棠陵復寒谷韻

囂諠覓小靜盈縮觀物化氣機晨夜馳兩曜居曾暇飛  
飛江上雲中曲時繡挂棠陵賦歸來猿鳥相候迓芬菲  
隱若浮要局此輕罷辭榮重逃責幽巢儼僧夏輕軒奉  
嚴遊意長日不下農談易吏參水石長光價有美難竟  
藏屢枉拔尤駕

雲寄

悠悠洞前雲磊磊山上石石幽雲亦閒相與備行宅無



心隨舒卷來去本何迹所憂荒棘叢數往不可索昨我  
二三友腰鑣事芟擇仰觀景象新俯入局面窄稜層幻  
光怪巨靈手親擘其外萬松林允矣人世隔晦藏不厭  
深雲我叨半席嗟哉葢壤間羣有均過客

次何少宰燕泉和陶六詩

還讀次讀山海經韻

艤舟候南發朋故良已疎居留人事簡吏散闕吾廬展  
卷倏易忘所得信手書青編備讎校往往推盈車解次

簷聲密夜雨行新蔬開園動真悟脈脈濛化俱新知發  
玄秘河洛幾此圖川流太微渺到海終焉如

抱負良獨往諧世術竟疎出門值岐路決志歸田廬力  
耕足年計几案還吾書林雨虎豹跡薄暮關紫車老妻  
念涼寂具酒烹園蔬愧乏同心人引盃明月俱隨化終  
歸盡結束知安如

真想次終曲阿韻

村莊絕遙想結志惟讀書窮年枉尋覓大道渾塞如茅

茨日就剪坦坦成通衢天真宛然在直以人事疎靜觀  
恍自行俗徑翻縈紆浮榮枕前夢食飽良棄餘慨茲世  
緣淺酷愛山林居桑麻話儔昔臨水觀遊魚班荆信散  
坐行次奚重拘所忻百代下墨守還故廬

遙情次遊斜川韻

青陽開泰運玄冥勢已休凍消物候平適意斜川遊曾  
城香荒忽人世真如流遙峰送晴碧野水雙浮鷗莎行  
薄自念童冠偕茲邱浴沂頗情況汗漫非所儔山花動

金匱要略卷一  
春酌林叟相和酬乾坤竟如寄神仙能在不景短心故  
長無事增百憂商芝有餘業足此寧何求

宿好次行塗口韻

長風振林木掇羽辭高冥委身失所托惴已曾人情清  
階歷形要殘夢多南荆义魚句尚續來燕泉又生一春  
晴雨節故老談盛明互歌責難外倍見台階平玉帛走  
萬國土宇無師征安眠起常宴竹杖時課耕幸無幻化  
術廢舉非素縈相期慎遲暮造物憎完名

餘閒次歸田園韻

幽絃故同調何山亦吾山我禿君亦蒼兩山自年年鴻  
鵠有孤尚魚藏不厭淵性偏鮮諧俗幸有先人田寄跡  
混樵牧養寂城市間赤日長林下一枕黃虞前隣村半  
涼落蔀屋時無烟心多枉繫念於此成華顛西隴麥就  
熟雨足農亦閒時平征調簡井里居晏然

去歲大旱及春雨又霖述憂用漢鄼炎韻

歲律居以窮玄冥駕當促長燈守達曙准辨看新局昨

者太無年十家九不足東西市門間老少紛相逐祇今  
雲物紅溝渠斷還濁道途幾人色閭巷多鬼錄值春雨  
又霖二麥渾未卜免租下殊典賑貸連鄉曲災眚孰致  
之斯民自無祿長跪祝聖人如川又如嶽遺榮草頭露  
老去如逝波長林結稠綠斤斧無完柯閒身寄霞外蘿  
屋山之阿開池畜流水蓮實魚亦嘉腴田差歲計習靜  
看南華家兒不解事浪費泥與沙瓶空轉局蹙况此乖  
天和蠲租值漢詔邑里無催科

七言古

蓉溪為御史大夫金公題次邃翁韻

蓉溪錦溪相並清  
益綿二美元齊名  
涪江東來始滙派  
花月下映雙溪明  
溪邊合有幽人住  
潁水箕山不同處  
大鵬飛歇尋上征  
子鳳文城會飛去  
平分書屋真卧廬  
萬卷亦有李嶠書  
小坐芙蓉問秋水  
花意人意溪與俱  
千樹亭亭青玉立  
殷紅艷紫紛然集  
碧桃夭杏聖得知  
就中別有陽和入  
君不見露下秋高  
金氣嚴零落相對

還相妍萬卉平林少顏色皮剝葉老空自憐雪榦霜柯  
僅誰識大松歲久龍蛇跡小松直上不作難尺強後手  
看親植

公孫同節為張大參東軒作

大江東來直龍蓋綠平迴野乾坤大倚江茅屋徧人家  
走壑迴流相映帶邇時楚望誰開園嫩紅淺碧如桃源  
主人慰老懷未慙別有翠竹連江村一夜雷聲春雨入  
大兒小兒青邱立豈知兒大復生孫歲月翁同更同日



眼裏週星六十來華堂壽酒開深盃九鶴庭心感前夢  
此竹此笋真奇哉同物乾坤幾能再鄭家二外張三亥  
插架圖書重有承堆牀袍笏渾相待君不見東家種竹  
竹不長連畦接町如堵牆又不見西家種竹竹枯槁後  
笋未生竹先老孰如君家之竹凌風煙碧枝葉葉青霜  
前王立長身百君子要與松檜爭孤妍曲江曲江負神  
秀後行四笋高於舊騰蛟起鳳不作難看取清陰彌宇  
宙

贈梧桐臧都憲總制宣大

梧桐老子真不孤  
紫髯渠帥看如無  
博帶寬衣拜天子  
備邊再出軍飛狐  
朔方健兒名慣戰  
此老胸中元十萬  
帳前猛將膽通身  
不道天山定三箭  
凍解風輕二月來  
長城四望無氛埃  
細草晴川斷南牧  
日日祇見陽春回  
君不見正德年間  
本安堵開邊市勇  
渾相誤肌推髓剥  
盡行宮宣大祇今  
尚無土

壽董頤齋郡伯宮諭中峰之叔

憶昔伯仲稱通家朝回臺馬催公衙馳道相隨各醒眼  
洒洒意氣凌青霞別後分符各南服民恫吏蠹時更僕  
才名留滯翁若慳膝下天酬清勝王齡年詩格驚入神  
丹籙已註黃扉人拂拭塵衣賦歸去看起虞鳳遊周麟  
小江江前東山下水石烟花重無價鏡湖白老不待乞  
蠟屐謝公許相惜薔薇洞裏開隙光文史亦作閒中忙  
辟穀赤松問年紀種菊五柳空醉鄉八旬已過領殊福  
草堂更致南飛鶴當年鑒識翁得知要共中峰開獨樂

卷一  
蓉川用唐子西韻

赫炎露下方解嚴一席何處謀清酣  
皖城春色屬名派  
錦江杜老留前談過時花開花更好  
冶容艷迹靜於掃  
開落休嗔物候遲栽培已納乾坤老  
川上風光故不窮  
紫蘭幽桂芳菊叢書屋番番護雲錦  
海日夜見江潮紅  
蟠桃歌次李文正公韻壽邵二泉母

海山屈蟠樹如織寶甕金莖露猶滴  
一度春風一度花  
如此風光那會得武陵天台雲錦堆  
禹糧堯韭同蒼苔

伐毛洗髓卽年歲對花食實能幾回神仙中物世空羨  
方朔三偷眼曾見春卿春色天上来壽堂壽酒當花面  
遠覽近周不作難却看八座隨清歡晉國詔書下存問  
許並張家福壽看

喜雪次郡推可亭韻

紙帳微融春入坐耳根忽忽寒聲墮火盤零亂撒不銷  
錯落牙簷珠萬顆碧蒼嶽色留年年適與一見驚華顛  
望八之老能依然疎短兩鬢聊相研六一禁體容盡捐

金史曰歷代詩集卷一  
埋名隱几樽半眠聚星細續大蘇篇

雪壺次郡大夫三峰韻

燭裡簷聲失前疾陂塘宿水看還溢玄冥為化波晶九  
大門小戶爭承餐人言曠瑞天上落太守見之喜還愕  
窮臘不住雨頻春始幻雪村莊互驚怪青壺灑玉屑  
來飄散趾到顛磽阻盡變桑麻田園丁卜歲此宜麥催  
租無吏石嶠前熙春臺白梅再花踏晴野老談清嘉事  
育無愁公稅足解舍悄寂如僧衙雪壺雪壺隱微浪含

星射日光盪颺耽茶學士聖得知三白銀缸出仙釀吟  
脾獨意野情深飛絲走泡同銷沈雪山亦似雪壺好古  
人不淺今人心

次杏岡李少司馬

太白山人聲價高傑才敏思如涌濤水怪山精入馴擾  
魚龍攫立熊羆號劒佩玉階三尺地白首風塵還作吏  
陣前老将舊衙官堦下諸兒還廟器丹成九返瞳微方  
赤松辟穀遊所將百藥耆英最高壽老泉父子尤文章

江北江南一浮梗半月東鄰天借幸乞來骸骨竟何如  
夢魂已過梨關嶺

五鶴行

露涼水白金氣清子夜合有聞天鳴鳳翼鸞膺入奇相  
恍恍素質含星精千仞懸流慕高潔細毛滌淨明於雪  
乘興聯翩八極遊萬里長空共晴月忽逢招引入瑤池  
雙松結侶風披披始信生身有前分不與燕雀同喧卑  
凌晨佇立璇池下太白文章重光價揚音振翮勢昂藏



羽族看來品盡下朝朝日日聖人前重瞳一顧一回憐  
丹砂養成丰格壯錫以大鎮超群仙一琴相伴殿閣服  
要與龜疇臻五福八郡蒼生壽域中玉清詔許蓬萊宿

學士白菴豐先生論大禮謫漳南贈篇

君不見園中花風摧雨折明又葩又不見原上草雪虐  
霜彫明又好榮枯有前分信訕亦至理茫然一寘之憂  
樂淡於水漳南始識中丞孫詞峯落楮橫陣雲云是清  
華舊學士筆談程紀徒紛紛今日閩海頭明日金鑾殿

請君匣劍看星文後此相思不相見

正郎黃柏窻論大禮謫惠陽

君不見樓前鴈決起雲中又江漢又不見堂上燕巢成  
子長誰復見聖心如轉丸神理事可必君車且勿東去  
日還來日白頭老母夢相憶夢相憶心自寬梨花酒熟  
承滋歡

寄少司馬山齋

我今幾意山雲宿右半偏枯守牀褥異書經眼意茫如

神衰祇見年華促故林殘葉霜已黃閒庭細草烟還綠  
往時意氣此安在海內交遊多鬼錄憶昨新朝特起時  
耆老仙班共華躅獨公風力倍強壯偉抱雄材心更屬  
廷尉應推戴胄前本兵直擬姚崇續醴酒不設良自知  
江上分飛兩鴻鵠公今水石開綠野我亦桑棗依杜曲  
乞天強健荅昇平飽飯著書了完局

四思憶韓宮保

有所思兮在長安欲往從之風雪寒引領北望投所歡

金少卿尺牘卷一  
美人贈我藥玉船何以報之鏤金鞭路遠莫致心神懸  
胡為清音寄煩絃

有所思兮在滇陽欲往從之水陸長引領西望涕沾裳  
美人贈我紅麟脯何以報之紫駝峯路遠莫致情所鍾  
胡為戚戚消煩悰

有所思兮在鄂城欲往從之風浪驚引領南望難為情  
美人贈我綠玉杖何以報之紫瓊琴路遠莫致回鴈沈  
胡為老淚沾煩襟

有所思兮在平陽欲往從之車無梁引領東望白雲鄉  
美人贈我金尺刀我欲報之宮錦袍路遠莫致風怒號  
胡為延佇深煩勞

七言排律

壽宮諭叙菴李先生母邊夫人

慈壽堂前醉酒卮八旬三見抱曾時莊椿舊喜連枝盛  
仙桂垂憐結子奇張氏齊賢推老母李家元直擅佳兒  
甜餘蔗境都人識貴有藜腸里嫗知野繭車聲銀細細

木棉弓影玉差差五紋刺繡衣教補百衲勾連絮命披  
畫寢翟幃光爛漫禁庭象笏步委蛇蘋蘩共致如生薦  
繆葛兼垂逮下詩少伯歲支恩故厚大官日給寵仍私  
累朝誥軸年勞賜奕葉科名善慶遺循例母封同鄧國  
紀言女憲續班姬月輪幾望光長滿曦馭瀕秋晷轉遲  
青鳥使傳占福履紫鸞笙引祝期頤瑟琴早藉宜家力  
俎豆終開作聖基欲和南飛酬世講闔門半面覲坤儀  
見素續集卷一

欽定四庫全書卷

見素續集卷二

明 林俊 撰

五言律

皆翠亭

大雅春常住高情酒未回  
午陰雙樹合晴色四山開  
補竹延新徑尋芝破舊苔  
冠紳行樂外客去鳥還來

釋鬱亭

宿留有蓬萊幽懷盡一開花香浮几席海氣上樓臺別  
調歌還放迴闌月未來綠蕉行小徑約略記親栽

贈族子以永

大冶陶型外名家况味存孤忠韓愈疏直氣邵州孫詔  
起冠裳郡人歸禮讓門經心清獻墓殘照下烟村

題畫

山崦雲猶暝江天雨欲晴院深芳草合日落野舟橫古  
路曾人跡青林但鳥聲春風期載酒相對話班荆



竹澗為雲從作次翠渠韻

選勝無多曲  
藏身亦幾竿  
秋猶舊瘦  
潯暑有餘寒  
世局時來靜  
風情老去寬  
漱流經洗耳  
肉食記長安

宏路感事

石竺盤青磴  
重岡入紫雲  
神仙幾人世  
雞犬亦江村  
井野魚鱗次  
溪流燕尾分  
十年前盛麗  
斷郭數家存

武夷精舍

雲水十年卧  
關山復此行  
迹名曾老子  
何面謁先生  
獨

手慚經濟諸公業泰平中興元有象龍起大河清

壽日

嘉靖紀元二月十日宿武夷明日壽之旦余

壬申七十一云

生申良此日更始重元年離合悲歡外妻兒考妣前幔  
亭飛一鶴玕洞拜諸仙鐵笛虹橋下風光也自憐

屏山草舍

隱几醒殘夢披雲坐素屏鳥聲千嶂暝人語一峰青古

壁行秦篆黃庭寫道經非關城郭懶皓首北山靈

過紫溪

雨樹行青嶂晴霞覆紫溪橋分平野斷人與此山齊瘦  
馬漫知道冥鴻故不迷仙風酬素分吾老一支藜

寄東湖吳少司空用邃翁韻

纓冕斷羈束江山作繫留時逢端分淺局狹姓名浮事  
有回天力公如逆水舟眼看無着處一壺正中流

又自韻

應會年垂半遷喬寵值三大鵬高又下候鴈北還南銅  
雀來青雨鍾陵度遠嵐地清無瑣事低小結茅庵

多景樓次米南宮韻

江漢從東下乾坤盡北開遠山連又斷候鴈去還來石  
隱回瀾柱僧傳度海杯分明樓上睫飛過越王臺

謁孔廟次壁間韻

即此處分席依光愜下堂道風行有哉教思入無彊繫  
易連三聖為邦備一王晚酬天獨借數仞見宮牆

題族子汝桓畫

雨葉秋將勁晴蕪此亦家  
浮生付雲水食口託魚蝦  
業薄還官債山深自歲華  
最憐霜候菊猶是去年花

題九峰翁扇

掃軌籬門靜藏舟夜壑勞  
漢江三澁近雲夢九峰高  
寫易松分露蒸茶鼎作濤  
故遊今幾在首白一同袍

贈王南渠

虹衍諸祥會天申啟聖辰  
一函修職貢萬國走王臣  
譜

按神仙曲風迴帝里春泰平今有象西壤淨邊塵

經筵賜宴

經幄儒臣侍文華帝命申九霄懸日月諸老下星辰  
德嘗新酒稽謀綴舊人無刑心故在首白愧冠紳

地震書感

揺扚疑風至倉皇畏陸沈枕孤橫老淚力乏負初心失  
得人為監機祥帝若臨斷鼇居故事倦鳥日疎林

壽宮保韓質菴翁

義激申三疏時危寄一身暮齡逢聖主異寵錫純臣素  
鶴精神爽青邱禮數頻誥章聯四代孫子遍冠紳  
雲水逢亨際褒書領聖情四朝余一老三事汝孤卿牢  
醴由天下山莊有使迎頻仍真異數魚鳥見還驚

東軒

夜半見海日軒深不動塵簡編前得曉花草易為春戚  
屬時天寵仙家自世人交遊驚老大松鶴倍精神

地禁春來早風柔不作寒星華當面出桑影上簾看玉

樹傳仙種金吾拜主官朱櫻承內賜擎出紫瑛盤

臘月下旬值雪

一冬懷屢結三白夢長懸野色同雲外寒聲落照前  
赭山容盡換凍海腹逾堅瘞壁璇壇淨明書大有年

癸未元日志感

老及何能壯心多可自由感時成小出揣分合真休底  
裏年華識行藏藥裹謀一機環復外魚水夢滄洲

主少名何謝臣衰意自憐立當三代上遇晚十年前禮



樂徒朝論刑書愧俸錢  
弼諧諸老在拄杖對青天

元日書事

銀燭散青烟椒花落綺筵  
草堂應舊雨客舍是新年  
未帖宜春勝猶傳守歲篇  
西齋話涼月剛後兩回圓

書感呈少師石翁

歷服靈長會艱虞鎮定身  
天休當此日國是屬何人  
大手彌綸地洪鈞發育辰  
金鷄傳詔下枯槁遍為春

主聖開昌運臣勞効匪躬  
功高元不賞道大亦難容  
鍾

鼎完名外衣冠老淚中慰留天地德殘夢逐東風

芝草

紫玉阿房種青霞洞府英孕祥峰五癸觀象日三庚長  
養元陽護孤芳弱肉爭漢庭書上瑞深谷漫藏名

教週

週子性涉醇可幸也柔懦不立殆所謂末如  
之何者吾家子弟僅此耶書激之

詩禮甄陶下居然土木人幾緣通汝慧僅未失吾真學

苦終能變心專自有神愚柔功百倍力久待知新  
氣質元庸下詩書況若仇滿盈吾故懼巽懦汝終憂及  
遠期前步終迷怪下流玉成在貧賤莫漫貴家羞

哭三江宮傳

三江太傳翁和余詩甫成溘焉長息孤希原  
絨稿來訃噫絕筆也哭四章仍元韻云

循牆深歛戢岫嶠類寒微位極公還命名完世獨歸竟  
陵傳大玉台斗賦縑衣笠澤陰晴外平蕪帶遠磯

匪石心還壯如虹氣漸微別來黃鵠伴賦得紫芝歸鳳  
閣傳遺表麟袍感故衣祝天酬百順烟水欠魚磯  
化及形神異心多氣力微鳳銜中詔下鶴伴旅魂歸巖  
菊空修譜江荷枉製衣鱸鄉還往日鷗鷺暗前磯  
亡琴憐旅息絕筆寄公微脩短元前定哀榮此大歸易  
名題處額就木賜時衣秋水吳萸約湖風冷故磯

送蔣子雲守南陽

節概西曹彥文章太守臨樸忠元故俗風雅自遺音探

虎時看壯懸魚跡許尋五朝稽德在如玉又如金

贈王應時

窮愁收蚤遇艱大寄孤生行誼傳京國詞華動海城旅  
魂天正黑枯淚夜曾明回鴈西風急含淒數驛程  
北極懸深戀東行感至尊自憐臣計迫不道吏書繁力  
盡還傷往心多更食存百蠶能一葉人紀信須敦

送祝虛齋子師謨令南豐

接席緣終欠傳心學許同龍飛符上瑞鷄割寄南豐樸

質名家訓敦龐太古風不禁兵燹地百意念民窮

贈閻泉川

事激言逾壯居夷性轉諳日將辭闕下天與看滇南  
散巖深地沖虛悟往菴曲成闢造物茲意重誰談

溪閣寫懷

溪閣閒烟水樵漁答是鄉諸峰會平野老樹納初陽  
魚鳥風雲氣林邱海岳腸迴瀾寬買榜松桂亦吾莊

雨嗇麥猶短春寒薺始青過牆梅似豆應候草如蔞  
歲

積瓶中記官征火處聽俯流心自領無語答川靈

雲莊偶懷

石屋忘年紀霜松記十圍壯容驚變盡迂叟是真歸局  
小一莊足名逃百世希山盤開野水新雨蕨芽肥

風雨睡曾着幽明重百心龍歸先有洞鹿觸故成林遺  
蛻憂時遇孤廬恍夜臨更闌銷燭短涼淚落衣襟

野寂含幽意神衰著飽眠丹成淹日月樹老怯風烟里  
耳聲華異山人禮數偏世全期謝絕無路屬黃緣

立海風濤壯漫山草木稠厓虛雲一寄洞古徑通幽事  
適仙翁左身隨野鹿遊仰高名故在吾老意悠悠

農夫苦

草露耕常早鷄聲曙起東星流天過白日出海翻紅櫛  
髮催牛飯編籬放鴨籠一區酬事分辛苦不言功  
戴星憑出入獨力强支持正苦催租急翻懸散種遲地  
硯收轉薄歲熟喜還悲稠粥猥情事來嘗未有期

三慰篇



吾鄉必東子莘入臺卽論事吾家汝桓救之  
二君除名汝桓丞遠邑紀是篇

窮年淹散宦甫月侍清班野曠雲平出林孤鳥共還買  
山曾有具涉世本無官寫易青峰下樵流識故顏

御風來海郡解珮下仙班上德乾坤大時賢旦暮還覓  
音二仲徑過嶺大蘇官終局吾流分名高不愧顏

雲莊漫語

景竒山獨占吾道不終窮玄鶴心千里青牛地幾弓迴

瀾芳渚月歸袖舞雪風三影塘前見依然似灤東  
雲寄誰留在山深不記年樹根行暗壁石隙逗晴烟碧  
雨松為蓋滄洲海化田時平慰遲暮餘日理陳編

過真館

少華幽樓處青霞幾靜功松脂傳辟穀羽服舞迴風小  
有仙都觀清虛紫極宮五芝前道路荒棘桂花叢  
少室秘青烟空流了道玄玉書方外檢鴻寶枕中篇吐  
納曾留訣神仙祇謾傳晚晴看逝水篝火夢三川

素洞偶成

突兀層雲上青梯百丈餘幽陰疑穴處亢爽勝樓居薄  
有蒼精氣猶存古篆書質風鏤鑿外渾沌副逃虛

雲莊感事

咄嗟成感遇深竊謝人寰宿鳥餘殘夢歸雲已故山衣  
冠今寂寞嶺海路間關憑藉乾坤力同時許賜環  
待盡嗟何及居閒意獨申如神昭聖武無事擾庸人禮  
樂都俞會肝腸報荅身綱常終定在虛已聽重陳

寄何燕泉少宰

來盈占候燕失愛問前魚世有千金壁公猶萬卷書仙  
蹤移舊國廨宇類幽居樹影閒庭月晴光滿太虛  
帝宸方發曙卿月下層霄野色高低樹江聲來去潮碧  
山容露冕瘦鶴認風標相憶迴瀾夜漁歌第幾橋

再寄燕泉

老至食無味人間夢未清數更成夜寂來鴈帶秋聲海  
國書難寄山堂月轉晴美人江上路伐鼓看潮生

交遊心轉結離別夢相牽南嶽應千仞東華僅隔年星  
辰違聽履風景類登仙讀罷希文記高樓思渺然

招白菴豐太史口占

迥野行梧竹從天降鳳凰世誰三昧手客有四明狂後  
學還著蔡中朝自紀綱海峰重繫戀春色又歸航  
世緣深擺脫道味故相親馭鶴來仙侶烹葵預主人碧  
霞尋野寺青雨濕山中北極肝腸共清霄入夢頻  
雨亟溪流百丈潁山為市者失千金偶成

雷雨分霄亟溪流四望交熊應蛟並穴鶩與鵲爭巢沒  
舍留殘脊沈洲見斷茅江心愁外寺虛閣且僧庖

雨積疑天漏溪高詫陸沈潁山勞竟歲袖手失千金豺  
虎深時見風濤亂敢尋楚弓還楚得子母漫經心

迴瀾

迴瀾放晴夜虛敞足清遊野曠月臨水天低星近樓村  
醅隔蘿徑樵笛下谿舟挂席高寒外心多可自由

宿山

洞壑通幽徑香蒲養靜菴  
幾傳修白業一宿悟玄談  
老坐瓦完愧時懷舍退慚  
曲闌春未暮花日尚紅酣

和寄豐太史原韻

直院隨金馬清班綴赤凰  
忽先懷疏入竟蹈引裾狂  
孝理關名教王猷翊世綱  
河神風已北轉息送歸航  
雷霆身獨犯風鳥夢相親  
似有仙留訣時傳語動人  
大官黃醪酒少室白綸巾  
俎豆閒兵略雄心拭劍頻

久雨次雪齋

阻絕幾曾出艱虞念遠村衾裯空夜市桂玉斷晨飧如  
馬風濤壯鳴蛙野水渾一晴酬歲望脈脈重誰論  
床褥動彌月簷聲不斷流何時見山色於我若雲遊瓶  
粟盡窮日窠雛委漩漚不因炎德會風雨暗行秋

次張方伯兩山登麻姑山

踏雲看直上萬象入搜羅鶴馭昔曾到仙關近若何蓬  
萊行復淺瑤草拾還多五老峰前社時時夢一過  
郭侍御世重以言落職兼程慰其母安人



瀝血匡時疏回腸慰母情江山連故郡昏曉戒兼程  
升落等殘夢艱危剩此生精忠良柱史暫爾聖人氓

春候

九十陰晴半丹青畫作殊發生良自異造化本無拘  
野水梅初豆僧厨笋正酥葛巾閒載鶴獨楫老江湖

秋候

萸菊感物候星河自古今最憐清欲絕重覺夢相尋  
范老先憂記元公太極心虧成渾事外吾意在吾琴

有懷

歲局臨青野，星台切紫墀。  
傳心嚴虎豹，辨色引旌旗。  
聖臣貞會河清海晏時，大廷興禮樂，接武重臯夔。

丹桂

涼入金風利，香浮玉樹幽。  
月移天上種，名動世間秋。  
炎德文昌盛，丹砂火候柔。  
賞心慚酒分，晴倚水西樓。

夜起

長夜睡曾著，行庭思轉清。  
城烏臨遠曙，樓鴈過高晴。  
客

子木綿敝居人水火爭時平盛禾黍一飽答西成

二泉秋月相憶并及無書次答

露重夜如沐秋高意轉深江湖千里月吾汝兩翁心影  
落巖前桂情移海上琴附書元不薄末疾故相尋  
離合天為限交遊思許深秋聲行木秋月色到庭心老  
大消殘局虧成托素琴小山叢桂在咫尺絕幽尋

有感

野水歸雲薄林花應候新松枝留海日衣袖落京塵社

會聞村鼓仙班拱帝宸一邱謀老地耕鑿太平民

贈周諫議兩山

少室留雲在方壺日到初地爐燒野笋麥飯薦溪魚澹  
老傳封事班生得例書卷舒吾道在烟水話樵漁  
野梅香正結素洞暖初開掃徑閒雲識從天舊雨來棘  
籬催過酒沙鶴引登臺人意仙靈會披衣坐紫苔

蕭侍御兩湖紆道雲莊短章為別

薜荔巢居小青驄柱史臨懷虛貪得士調絕副知音風

雅酬前話雲泥結素心  
酸醎浮跡外紆道故相尋  
白筆簪逾勁青萍價舊高  
分行八巡使特枉四程勞  
雞黍延山月魚龍壯海濤  
乾坤無限在吾老分林臯

再用前韻答周兩山

逸才追白後近作勝黃初  
殷篆存辛枕周篇別亥魚  
諫垣時有疏政府故無書  
剜肉醫瘡會猶容竭澤漁  
別况久逾積孤懷重一開  
梅傳疎白後山送遠青來  
審像凌烟閣披衣步月臺  
杜門深簡出階老綠莓苔

修省志喜

宣室求言詔虞廷獻納篇遇災容有此責已重無前國  
步風神壯途謠雅頌傳漏聲朝百辟蠟炬引經筵

除夕次山齋韻

更始三元盛窮宵一例除寓形空老大閱歲屬孤虛海  
郡傳新歷桃符易舊書浪仙勞酒脯詩草謝芟鋤  
盆火沈將斷村田調正和歲歸成局促春望未蹉跎氣  
轉庭先綠年頽鬢易皤小來催大往伸縮竟誰多

野出

激石溪流壯漫山草樹稠青蘿結茅屋白羽步沙洲松  
子霜前落鳬翁藻面浮閒身酬勿藥土壤答真休

舟過溪閣次山齋韻

小艇道仙閣迴風轉蕙蘭晴光江上月涼意竹邊壇掃  
石雲常漏留詩鶴借看來麴經歲熟一飽答清安

雲莊先墓有感

枕壺開異勝揖華擁諸峯了寂生前分還真夢裡容荒

陂朝野水新塚覆高松細響微風入神遊自有蹤

偶憶

水石三遊洞風烟百戰場羽書時道路戎馬暗江鄉射  
虎弦聲疾衝牛劍氣長虧成自人事杲日照歸腸

述懷

綿薄何能受衰頽轉見親身多為國瘦家頗好賢貧山  
斗瞻依近羹牆夢寐真陶型心故在末俗幾還淳

送陳春官惟濬謫漳南



發生期老大飄落任浮沈到海十年夢思家一夜心小  
車問字酒獨屋裏眠衾剛折還臣罪穹蒼屬監臨

喜諸孫問安

展轉席曾帖起看星又闌詩篇隨老退藥物輔衰殘叔  
世能完局孩孫足大歡黎明索梳洗仄枕問平安

挽韓忠定公

純質先朝舊皇家一鏡亡海天懸涕泪星日照肝腸百  
辟宣遺表重瞳下卹章續音雛鳳盛梧竹遍鳴陽

大老安危繫幽明竟此分易名彥國謚錫塋穉主墳特  
進三公品重頒九祭文素車前道路孤淚落寒雲

仕處聲華重交親氣味同日嚴虞六德位極漢三公經  
濟匡時會艱危伏闕中啓衾猶宿戀華渚祝流虹

寶瑟元同調山爐此辦香時尋參分野遙望晉平陽老  
淚迴瀾月悲風綠野堂臯村吊遺跡何處是公鄉

贈泮西

陳泮西壽徵塞淵周慎工數種書嘉靖改元余

起落致與偕行及是十閱月余五辭不遂君以母  
老子少辭去義不可強而情不可割詩致余意  
隱帙上藜烟濃書洒墨筵聲名多此地物色重當年桃  
李春風面江河秋水篇右軍心畫外妙領看清圓

新桃開暖烟細柳繫離筵客久餘殘夢心高寄老年大  
方求益地短日遠遊篇相憶雲莊下叢生桂許圓

篁溪為祝鳴和題

春盡笋平出溪紆徑轉長衛風幾淇澳吳楚自江鄉葉

金匱要略卷二  
卷二  
細含烟潤枝高帶月涼直虛明素抱吾汝愛文章

又次邵端峰韻

夢遶碧羅帶神移翠玉宮此君留壯節而我讓孤風比  
德名偏重知音調許同世氛蔽伏外即始自占終

篁溪野芳亭

幽意杳無際餘香襲故書祇便公事簡端愛世緣疎淺  
飽炊晨飯新肥摘露蔬草亭閒隱几習靜似林居

題楊乾叔西嶼

迥野雲猶暝平津日又紅南征疑化鶴西嶼寄冥鴻飄  
梗時名外青衫老袖中摧殘憶羣醉吹度一番風

屋舟壽邱

老至神猶健心多迹若浮復真懸故宅觀化卜遐邱兆  
得中軍勝潛終太史收碧山還載酒梧桂自春秋

夢雨為汪淮寧題

人意憂虞外天心感兆間孤燈尋短夢一雨重前山  
野水將浸江天雲未還斗州元命脈豐儉正相關

贈陳侍御中川

羽儀應憲節文藻重儒紳  
山立風還勁雷行令一新  
草回秦地綠馬帶帝城春  
萬里同仁外柔馴正遠人

嘉靖丙戌自五月不雨至於七月述憂

赤焰熬焦久蒼生涕洟重  
黑峰曾起電渴海不藏龍  
雲漢心徒切江河帝自封  
發生銷落外禾黍更傷農

見素續集卷二

欽定四庫全書卷

見素續集卷三

明 林俊 撰

七言律

召命紀懷

新詞孤調屬更絃  
詔下歡聲已盛傳  
捧腹歌隨帝力後  
渴心時到聖人前  
竟陵雲氣天申日  
大陸河清震出年  
衰朽老臣叨起命  
一封重乞木蘭船

碧山元自屬遺人重見陰厓一例春已分居閒還宋鬼  
忽逢起落是堯臣老於壯日肝腸在病入稀齡齒髮新  
天語叮嚀深有涕遇奇無力答皇仁

紀瑞

嘉靖更元正德辛巳四月二十二日也先是有  
慶雲之瑞河清之瑞季夏月朔慶雲連現莆  
之壺山者三日六日九日又現聖人出世海嶽  
効靈不偶然如是也當是時方君松厓陳君



石峰鄭君山齋黃君西壺黃君后峰暨余暨  
吾家守仁以永以乘凡八應起命策進士者  
十六人壺之瑞瑞國亦瑞莆也詩為紀

重是河清應舊傳紀雲今喜到莆田瑞符翼軫真龍出  
文應壺山八鳳連韶舞周風前禮樂堯封禹貢外山川  
野心亦有趨陪願報答功疎愧老年

題畫次韻

鴈聲平送一天秋不盡長江水自流兩字時名空短劍

百年吾道信滄洲疎松古路通仙徑落日澄潭下釣舟  
醉答樵歌山月白野情無夢入拘囚

偶成贈黃后峰

步入青林聽鳥聲九峰雲物為誰情逢辰更屬乾坤債  
送遠真忘水陸程廨舍湖山清入畫帝鄉草木舊知名  
肝腸倒盡還新詔悔少南莊是此行

山莊次山齋韻

小亭孤坐欲黃昏門外雙谿帶雨渾白轉畫簾微月色

綠回荒徑重苔痕別來仙子元無夢  
招到湘纍尚有魂  
引犢斷橋歸却晚數聲蘆竹正江村

平綠亭

石林長送午風清廣漠晴開境倍明  
無盡烟畦隨意綠  
大荒秋水帶雲平天低迥野鷺時過  
夢落空江鶴一鳴  
不險不夷閒是福十洲占斷有誰爭

召命書懷

嘉靖赴召以週隨週未子君父義不顧私抑數也

金分月二  
卷三  
召命三申力敢辭轉於遇晚屬深思杓方幾適循時製  
絃直真煩聖主私心有溫公元已病跡如樊子故無奇  
秋瓜落盡曾根蒂祇恐歸時異去時

父踏征輿子據鞍相看同是出門難末緣未念懸兒女  
深有餘忠入肺肝舊隱載承天上召老饕重似夢時官  
窮年翠竹江村下衰鳳何心復羽翰

偕雙湖遊源口

納納乾坤一草堂碧溪斜遶兩山長野心自卜黃梨塢

土俗猶傳紫橘莊入手風烟閒是福無情歲月老都忘  
道人未斷江湖夢羽扇綸巾覓醉鄉

俗諧無韻作東還源口尋來是幾灣天與素緣酬洞壑  
公留玄秘屬溪山著殘野屐身長健開盡巖花鬢未斑  
安樂一窩眠較穩悔前名姓落人間

宿海天亭

寫易臺邊五粒松古楠高竹重誰容亭心仙液流名派  
湖面青螺立幾峰一笑却疑天上下兩翁真似夢中逢

對牀短燭商行止世事那堪老去慵

丁卯橋次少師楊邃翁韻

為別仙靈歲始開  
卯橋驚與燕同來  
遇奇幸遂高年約  
分淺翻思半路迴  
陽德亨時虞鳳舞  
山人去矣旅猿猜  
羊裘未必高天下  
漢將圖形舊有臺

次邃翁存問述懷

鵲喜晴樓碧樹顛  
相門盛事應新年  
赤松道出羲皇上  
綠野公於夢卜賢  
希濶茂恩看獨拄  
泰平奇遇屬無前

分明羔酒溫存地已報徵書下九天

雨紀

潤久旱邃翁存問之三日雨紀事

井縮江渾月許深麥畦汲斷轉難任金雞詔下方瞻日  
海鶴晨飛正作陰軍國四朝還宋相傳巖三日是商霖  
午橋物色閒評較青杏紅櫻欲滿林

敬亭有懷

柘葉鳩鳴晝作陰敬亭山近轉難尋太音已續二公響

長夢猶懸一老心  
身倦臺街羈頗厭  
疏歸聖澤被還深  
蟬螯白酒重陽候  
笑插黃花欲滿簪

答陳都憲靜齋

孔林瞻奉七旬年  
驛使公詩簡並傳  
異事任城天獨借  
當時閩海夢長懸  
綱常一種觀風地  
道義三章伐木篇  
愧老誤知猶浪出  
壺南山色正悠然

粉團花

倦起庭心落素霞  
玉枝殘雪綴晴葩  
未投洛下姚黃本



疑有人間萼綠華  
雨白似欺吟鬢短  
風香時帶舞衣斜  
品凡莫倩妝臺問  
幸不楊妃解語花

贈劉都憲大節次韻

駒隙勞勞催短景  
羊歧擾擾混迷途  
豈知泰運逢今日  
猶有山人話昔吾  
元禮望高還黨籍  
康成老去尚門徒  
清流一種斯文恨  
吟對庭心夜月孤

贈杏岡李少司馬

算勝胸中屬有神  
班心玉立見長身  
家藏一斗時分醉

囊散千金為買鄰壯日丹心還似舊者年青鬢未曾新  
局殘橘叟閒評校未勝瀛州九斛塵

再次杏岡韻

辟穀山中自養神九還曾信後天身山人尚少乾坤債  
野性還於水石鄰訪落詔書勞用舊繼離天子重更新  
金貂玉馬連雲第東海如今是幾塵

贈方棠陵

敏識奇才屬化工最憐去燕與來鴻刃迎薄試剗煩利

神領真酬養靜功似有時人推仲晦頗聞法吏待元公  
陰晴曉外那須計秋葉春花此意同

成國公奉冊寶興獻廟贈篇

漢室元公承特遣濮園新主上殊封犀團瑣甲士分虎  
麟刻輪袍馬勝龍祝冊宣時驚陟降廟庭行處識儀容  
歸來燕勞應前席班綴堯天第八重

謁孔廟次劉忠宣公韻

新祠古樹絕前觀入室翻應老去難萬里風雲在天地

卷三  
一天星斗上迴瀾直於世道占興替深為吾皇繫治安  
佇結末由今借幸禮成還覓舊碑看

曲阜紀事次李文正公韻

瞻望曾應過里門一方民俗此還敦家承已愜聞詩嗣  
道寄猶憐述聖孫往日書生絃誦在當時新廟典刑存  
未緣接席樞趨下東魯遺風得盡論

志喜次韻答費鵞湖翁

為別東華已四朝老來孤跡更虛飄身隨化國天中日

夢落扁舟海上潮  
布散群鷗臨杜墅  
文成儀鳳協虞韶  
三台合與薇垣近  
夜夜神光燭上杓

次石翁紀夢

閨風直到五城來  
紫閣黃扉次第開  
揭取舊觀還大雅  
構將玄思入新裁  
泰平有象憂仍獨  
淵默無聲夢亦回  
寬與蓬瀛閱人世  
駭塵驚浪莫須猜

次少傅毛三江見懷

種桃人去感前事  
羅雀門閒有舊蹤  
獨客暮年勞駕鶴

先生今日是從龍開函玉冊傳中詔歸第金蓮出上供  
當宁動容賢夢卜千年魚水賀遭逢

偕鳳山訪三江謝爽約雨中紀懷

遙憶高人住浣溪一尊相約為誰攜出門日脚雲猶薄  
轉盼城頭樹已低班坐博涼便看雨並輿沾濕分衝泥  
老懷尚記山莊下瘦竹黃花共短藜

題內閣白玉簪

東殿晨光喜近臨文華清露沐來深繡紋細辨黃千線

巾影時橫玉幾簪秋早碧闌霏雪墮畫長頰案素香沈  
發生共荷栽培力澤潤功成副沃心

贈林侍御克相

灑塵輕雨候征輪風範臨歧付酒樽入手斯文煩自信  
當時諸子竟誰尊官清似覺嚴威冷任棘真看簡勝繁  
立馬五雲高處望文華清夢落朝闌

龍華感事

憶昔龍華幾到門稻田流水似江村帝城山色中天見

海寺鐘聲隔岼聞准辨黃燈傳法祖會留遺鉢付僧孫  
題詩丈室依然在荔壁秋荒隱篆文

送俞司空西湖奉使親藩

海日扶桑動曉晴兩班環珮肅鞭聲傳來寶冊宣新制  
捧出銀符遣上卿褰幃五雲高處望過家雙節畫中行  
禮成定與春齊到真主垂衣業太平

贈鄭雙石

素風直倚廉為重末習真收簡作醇輔郡上煩千里寄



來賢親辦一翻人井中紫氣家家俗天上陽和處處春  
後杜先張還故事幸菴元自有芳塵

悼后峰

客裡蕭條此蓋棺意多重是出詞難煞些事能心惻  
深有純臣作世觀俛首官齋腸獨斷失聲僧舍泪相看  
乾坤一種綱常話剪剪西風老骨寒

又發引叙悲

短燭西風老泪橫帝城今日是歸旌故雲不辨前山色

殘楮空收後世名僅畝荒墟曾里第一行孤寺足門生  
道流對此翻成俗殤壽茫茫看亦輕

又次白巖燕泉二翁韻

服舍倉皇作夜聲九招誰為破愁城更無斬馬朱雲劍  
空有垂魚賈傅旌鄉國老懷風自下關河孤汨夢常傾  
行囊次第收殘稿別盡寒燈坐徹明

早朝書事

蒼涼海日候初升視夜寒光月半稜馳道幾聞飛八駿

納言今喜侍雙燈寶幢繡幄皇威重紫氣黃雲泰運增  
仗外千官齊鵠立九霄儀鳳有軒騰

賞五色菊

帝里應懷舊國霜晚花重此就壺觴一行絳雪扶衰白  
五色祥雲捧赭黃慰眼愁容深入畫感時月令正當陽  
高年幸與耆英會小醉東風亦未妨

經筵紀事

鷄鳴視夜意常懸亦念精神此格天避殿玉書傳諫紙

退朝銀燭引經筵氣機每出周防外聖學多收感召前  
國是老臣私過計變調還擬預更絃

壽太保幸菴翁

正色乾坤舊不凡壯猷重見掃妖攬功高物忌名為崇  
主聖臣賢頌可劉嗣武直符彭老壽本兵兼帶潞公銜  
麟袍玉帶朝回後穩坐溪山一畫嵒

鶴降部庭志喜

鳴向真看入輩行胎成誰養翼微長秋橫玉宇天初潤

月瀉金莖露始灑澤國何情辭舊侶蓬壺有地托仙鄉  
霜松雪竹公庭淨移近梅花白處藏

懷孫司徒九峰

五鳳樓前過曉鍾班行偏信老來慵  
楚帝孺怨方思有歲儉民流忍奏庸  
臘飯每懸江上夢凍梨真改鏡中容  
相忘意氣當年話猶記巾裳共壁雍

坎止流行迹許同貞元會合兩衰翁  
青坪抱犢還閑况白髮徙龍有素忠  
計使每輸西夏棘美人時賦小山叢

乞骸舊德三溫詔留畢新朝府事功

登李宮諭叙菴午風亭

赫炎吹盡日尤長午近開簾納太荒  
莎徑鳥聲雙樹靜  
石橋花影小渠香  
驕陽未覺風情減  
短夢時分草榻涼  
不信紛華車馬地  
仙家遺着水雲鄉

微涼蔦院足幽居  
書帶生齊綠映渠  
樹影正中還鶴夢  
屏圍以外更蟲書  
講回赭案園初涉  
制下黃麻席久虛  
碩果化機酬竟在  
一邱雲物是乘除

上勿藥志喜

勿藥傳宣使下頻百僚動色賀中宸萬年宗社神為主  
一統華夷帝此身卜世正逢明盛日託天長作太平民  
老臣種種肝腸話口不能言意屢申

次胡紫山留別

雙柿累累直綺筵酒回分實意長懸冠裳甚偉人如畫  
賓主相忘日似年欲向驚鷺留妙訣不禁別鶴上離絃  
玄曹舊枕玄湖曲信道人寰有洞仙

贈陶宮保參贊留務

一行邁羽共華顛南北分飛思惘然平土近承咨禹任  
居留尋進命周權山河表裏開基外版宇安危制治前  
新主臨軒勞目送師貞元屬舊耆賢

祈雪志喜

茂育功成望轉賒齋壇清夢落文華暖雲布野分還合  
瑞雪隨風整復斜已應食甘憐歲薺未煩剪勝漫宮花  
經綸自領寒光外化出陽和與海涯



一年將換出還稀入幕從多勢尚微莫漫煮茶參速化  
祇便雨麥是真機穴深許見螟蝗盡天濶時懸鶴鶴飛  
喜溢九重翻繫念庇寒誰為賦無衣

郊祀志喜

嘉靖癸未春明日駕詣齋宮風日和暢夜子元  
祀碧空無雲月如晝天心人意固有在矣紀二詩

暖律祥飈夜轉琴齋壇烏几坐來深體元上國春齊到  
祝嘏南郊帝式臨步入星辰占王氣夢回雲漢繫餘心

仰成一德明良會紫杖青邱許再尋

聽盡陽春一曲琴餘寒不散念還深青郊迎氣風流轉  
黃道開天日照臨五色祥雲承御輦九韶儀鳳協神心  
乞靈更致岡陵祝嘉靖殷休信許尋

雪洲

平林一望玉生烟開盡梅花意灑然授簡兔園曾上客  
吹簫鶴渚漫飛仙金鍼術妙功奇奏石鼎聯成集舊傳  
聞說書巢連杜墅江青鳥白見歸船

看牲次何燕泉韻

紫蓋紅旗擁後先  
牽牲時過御階前  
立當仗馬開行殿  
會應飛龍愧老年  
肥腴大官周禮物  
精明元祀漢神天  
四朝海嶽沾恩施  
報答無由効渺涓

西嶽分獻次何燕泉韻

迎氣青陽始獻春  
上壇雲物倍看新  
南郊徧祀元殊數  
西嶽重移似有神  
風馬雲車瞻陟降  
金繩玉冊感前程  
禮成聽得華夷頌  
中國真占有聖人

卷三  
壽元老劉野亭翁

並閱稀齡又兩春  
濫陪錫宴憶生申  
夢回紫極黃扉近  
別到青山白髮頻  
湖海備聞勞物色  
雲雷重擬待經綸  
野亭細酒同年話  
醒眼相看又醉人

寄宋惟寅總憲用野亭韻

連馬玄湖四十春  
故懷拍塞竟曾申  
別無隻字終成簡  
夢有千心亦是頻  
莘野蔓畦堪卒歲  
汴河煙艇足垂綸  
品高命薄憑誰問  
世上還多飲抑人

壽李梅東九十次山齋韻

度百光陰九閱旬  
賀筵無復並時賓  
都於大段眼經慣  
世有先生俗許醇  
暮景似償清白吏  
耄齡還屬太平人  
典刑衛武箴規在  
口授諸孫正及辰

西臺志喜

清明作育重冠紳  
薦紙連登十一人  
亨會風雲元異數  
聖懷天地本同仁  
六司並屬疲民命  
五郡尤懸赤子身  
浮靡叔風煩就念  
一番道俗要還醇

壽少傅楊邃翁

三南正氣開河嶽一代高文重典謨青簡著書綸閣靜  
碧山歸夢草堂孤無時詩酒酬閒況到處雲雷識壯圖  
龍馬精神知健在駕風還擬踏瀛壺

壽太宰喬白巖

重是崧高嶽降神會靈聞此復生申古之平格天為壽  
公也明良世有人位極孤卿名愈重誕彌甲子厯初新  
柴車垢服甄陶外坐使醇風遍八垠

南極祥光照壽筵降神元應及申年同時姓字聞天子  
一代孤卿屬地仙粹雅謝莊誰獨右公清毛玠重無前  
吐吞日月喬松外瀛海三桑鶴幾玄

龍飛應會記江南嘉靖天休矢共戡祖澤承圭元不負  
師門傳印此何慚麟袍玉帶思偏厚鳩杖荷衣性頗耽  
忠定年勞端毅壽典刑一老重成三

壽竹田翁進階

古栢長松轉見春短篷疎雨下絲綸昭慈懿範頒殊典

資德隆階寵舊臣  
草野光華天地德  
竹田歡會歲時賓  
平安孫子看齊報  
紫籙文成萬玉新

癸未生朝幸菴翁詩為壽和答并以壽翁

上筵勝日辨生朝  
沾醉東風一和陶  
官責每懸精力少  
班行空說歲年高  
鴈南鴈北身猶寄  
花落花開夢尚遙  
薄暮仙舟來遠使  
忽驚玄鶴下青霄

海日蒼涼輟視朝  
病坊旬浹愧甄陶  
因高祇覺邱陵小  
仰止真憐泰華高  
虎帳令嚴看節制  
鶴袍名重副逍遙



南陽捷上天顏慰宴罷從容下紫霄

索盡孤懷采綠朝看花何日共陰陶頭童未覺龜毛少  
詩細從添鶴骨高約伴丹邱緣自淺汴汭銀漢路成遥  
鸞鳩決起元無力薄趁風鵬上九霄

三江翁歸老贈篇次韻

夾江蓮蕩問湖田夢裡還家此信然遇比王曾名故重  
錫同疏傳寵逾偏放懷笠澤收奇勝結會香山感昔賢  
靜養功深行勿藥白麻新詔起朝天

喜雨

翰長陳先生魯南攜酒過余遣悶余曰何當  
看雨南垣曰雨至矣既果然紀事

浹旬黃霧塞晴空四月林花尚未紅種種幽懷時事外  
津津生意雨聲中桑林自信回天力雲漢終收濟物功  
訂約先庚還自笑過鄰扶醉且東風

贈劉毅齋禮卿留都

徐過山色上晴嵐幾驛官河路許駿馬臺高空冀北

大鴻家近愛江南清惟典客韭仍白要得歲名簾轉甘  
莫漫公衙便好睡履聲卿月夢朝參

贈倫侍御璿溪南歸

最盛才華安避舍頗頽筋力憶登臺地嚴風紀身先告  
日昃功名歲未回南紀每懸天上夢西堂時共月中杯  
昔賢心事頻相付露下秋高有鴈來

贈楊中翰承家

綠野堂深映白麻  
夕橋流水舊仙家  
金蕉自得兩山勝

梧竹平分一徑斜  
天上兒歸明鷺服  
膝前公壽照梅花  
嬾雲一縷相依在  
秋月江門共釣槎

席虛合有君臣契  
詔下先酬父子情  
歸得校書隨杖屨  
老便洛社結耆英  
映江晴月一舟小  
度鳥閒雲兩睫輕  
文字唱酬翻自信  
傳家莫漫說西平

借菴次韻為少宗伯白樓作

寫易東華舊短菴  
假眠煙雨續玄談  
人弓人得此何計  
公姓公留住不慚  
藥圃花晴疎復密  
柳渠風細北還南

納來萬有均成寄直下相仍且駐驂

留別山齋

鄉國相忘已歲年忽驚蒼白與華顛長才再振沖天翼  
急景重催下瀨船一種肝腸懸日月百年文字愧山川  
鷄聲劒履趨陪地薄記林翁放脚眠

去住乾坤一短亭午槐陰重酒偏醒雨中秦樹千行綠  
鳥外閩峰幾點青玉宁情深同帝德草堂人靜愧山靈  
漢家魚水遭逢外乞與雲莊再勒銘

壽御史大夫張敬亭翁

朝指宛陵暮帝州  
凌空一鶴任追遊  
紫霞丹竈麻姑宅  
碧樹澄江謝朓樓  
臺老有緣居化國  
仙娥隨意共高秋  
惻懷蘭玉春如畫  
辟穀仙方莫漫求

東瀛為銀臺張廷器作

遙跡仙班已歲華  
滄洲老木舊名家  
分明子夜見初日  
隱約神樓住彩霞  
海上獨來青鳥使  
人間幾度碧桃花  
萬牛莫漫移山力  
只赤蓬萊豈待賒

上宗冊告贈賈少宰南塢

轉息山河此一新華夷重是太平民中興獨盛闕天意  
大號加隆感帝親魯廟上宗周祝帛濮園殷祀宋靈神  
利成彤嚮森嚴下純孝分明識聖真

悼周琴川

允澤交游四十年冷雲酸雨暗琴川道窮自掩獲麟袂  
心許曾酬挂劍緣吏局覺來渾短夢人寰隔盡是真仙  
河汾世學陶型外莫漫漁溪少正傳


壽范郡伯以貞八十

南北東西果自由百年離合幾春秋  
赤城候鴈傳來信紫陌朝雞想舊遊  
難用轉於才作崇息緣真以壽相酬  
桃花流水荒唐外一棹清風范蠡舟

贈項秉仁

襄毅元樞記昔年後行梧竹上風烟  
縣家赤子心應副吾道滄洲業許傳  
已屬典刑酬仕學未煩枘鑿計方圓  
續戎好亦孫支事先續循良第一篇





見素續集卷三